

第五十六卷

七十一回

江蘇截殺祖山頭

鹿泉師

十二日國軒報捷鄭經以江東之役一日三捷

是陣今又月路共計奉水頭山而捷常將有敵

功程為中提督仍應督諸軍得來江東

石礮與國軒軒輝心厚信誠其好構劍書日

東橋斷賊勢猖獗對泉湖境新入獲悉為飽

聚斂為不曉絕無明略遂即回籍

第三十六卷

七十一回

江勝截殺祖山頭

應舉師潰海澄縣

十二日國軒報捷鄭經以江東之役一日三捷赤嶺揮軍連勝
數陣今又用驕兵計奪水頭山而捷灣腰敵入破胆屢有戰
功擢為中提督仍總督諸軍得專征伐差札官鄭斌賚印諭入
石碼與國軒拜受厚待斌具啓稱謝擇日開印段應舉因江
東橋燒斷賊勢猖獗自泉州提師入援恐海寇從中堵截海澄
糧糈為其所絕與喇哈達即廷相議親統軍列營於祖山頭接



應海澄來往忽黃芳世水山頭被奪應舉愈加提防十八日國
軒開~~中~~提印旗幟新鮮照耀奪目炮聲金鼓轟闐如雷各將拜
賀絡繹不絕軒視事畢即令諸營鎮速回整甲預備吾將蹈營
地誘敵出戰各宜奮勇不可疎忽諸將得令急趨回國軒號炮
遂响自率騎卒出從祖山頭而進應舉意其將來攻已隨督兵
下山迎戰正遇軒將盧仁應舉揮軍箭如飛蝗仁抵敵不住敗
下沈誠陳起明二鎮齎出接禦又敗下適何祐率衆接戰：幾
合亦稍却退應舉連勝三陣督騎兵追殺不虞吳淑江勝兩軍
繞祖山之背搶掠營~~中~~盤國軒遙見祖山頭應舉營盤被淑勝

所奪即催衆合攻飛馬追趕應舉見賊兵紅劫營舉亦即返救江勝率所部衆從山上殺下統其後喊殺故應舉三面受敵軍亂自相踐踏死傷甚多其漳路業被陳昌陳福林應等把踞不得進遂奔海澄國軒揮衆追至普玄柵會日暮鳴金收軍回踞祖山頭以逼海澄十九日國軒大賞將士責盧仁陳起明沈誠三將退縮不前草職帶罪立功應舉於是日入海澄副都統穆黑林孟安與希佛馬虎總兵黃藍等共議戰守藍曰燈火寨乃海澄咽喉宜出兵踞寨不但可作犄角之勢且可接應漳州援師倘為賊所踞佔則海澄危矣應舉曰守城為要何必出踞燈

火寨藍曰城小兵多且無積蓄況水路已斷若一旦圖困糧餉
不足將奈何應舉曰方今將軍總督雲集漳郡自東來援內外
夾擊彼必走矣何慮此輩一時之猖獗固執不听劉國軒欲逼
海澄慮滿漢師合救令昴宿鎮張雄全牛宿鎮曾偉帶所部入
攻平和又令副將馬瑞鑣統衆攻漳平以分其勢雄偉至平和
守將與知縣聞報棄城遁雄踞其城分偉出小溪馬瑞鑣亦攻
陷漳平因而各縣羽_書毛告急廷相調撥接應不暇但海澄城小
而堅半居山半居水為漳州門戶水陸可通原設水師提督鎮
守迨因施琅全周全斌攻澎湖遇風打回召琅全斌入京裁易

總兵燒燬船隻丁巳秋黃芳世保黃藍補其缺前國軒犯江東
橋卽廷相恐來攻海澄遣其中軍副將朱應麟全馬虎帶兵協
防至國軒破石碼踞水頭寨愈恐海澄有失再撥副都統穆黑
林益安希佛等住守及段應舉祖山頭戰北奔入共計滿漢兵
提督三標暨諸鎮營騎步計有四萬餘衆應舉令知縣祝文郁
造冊造報城內居民郁計点百姓胥役僅有八十三家應舉欲
將此八十三家逐出土城郁爭之曰設城設兵原以衛民苟無
百姓欲城何用提督若欲出此數口百姓出居土城須給牌照
付郁為執舉聞言方止

第七十二回

姚啟聖總督福建

劉國軒全通海渠

應舉又慮兵衆糧少令文郁挨查有蓄積米粟者報出以充兵食郁曰當此擾攘之際數夥殘暴自食無力安有餘粟郁慮兵丁暮夜強搜民家署內立一高望夜聞何方喊叫即率役馳衛百姓得安國軒以海澄城堅急猝難攻度其人衆糧少必能冲出雖圍半月尚虛西門一道通塹山龍井聽其自遁後覲應舉築炮臺修濠柵是欲待援而無去意方遣林陞守三叉河林應江勝守水頭山鎮門其餘連營把守圍困親王以海澄屢戰不

利令即廷相單騎入京以署福建布政司姚啟聖為總督

啟聖字夏麓

浙江紹興府人登北解元除廣東香山縣緣事革職不用甲寅藩反和碩康親王奉

旨平閩啟聖投親王軍前願捐資募兵其子義從征親王
加以隨征道銜屢獻奇謀親王甚器重之至入閩親王以
糧餉為軍需要務非賢能籌函者任之不可故委啟聖署
布政司事迨往潮州說進忠投誠親王愈愛重之知有方
略任以總督又令巡撫楊熙致仕以署按察司吳興祚為
巡撫飛題俱奉旨依議興祚亦浙江紹興人降任無錫知
縣捐資募兵從征恢復親王軍前事大小皆委托焉入閩

任以刑名適海氛肆虐故以興祚為巡撫

親王以段應舉被圍日久黃芳世被傷未痊乏人料理軍務因
查江南提督楊捷原任閩省曾任漳浦總兵歷^著戰功題調入
閩平寇啟聖在漳催趲糧餉應濟軍需忽接親王令諭委署總
督隨擇日上任即廣張告示以海逆延蔓歷有年數漳泉何地
何族無與之為党者豈可以一人而株連無辜亟^宜禁除已後
不許挾怨指稱與海上鎮營族戚以及瓜葛陷害又搜羅人材
凡技勇邁眾并從逆者能棄邪歸正委以叅遊都守任管內標
統兵或就地禦侮或隨行征剿推心置腹不似郎廷相之懷疑

閩人而不敢用焉是以政令寬宏百姓賴安又計兵馬繁多誠
恐協餉一時未至兵食維艱 題請設爐鑄錢裕餉便民四月

國軒見應舉不肯棄城遁去遂督其衆重鎮復壘連營扼險斷
其出入屢率衆攻城悉被東北八角樓上大砲所擊二十八夜
軒密遣健將林龍潛入城內將八角樓大砲二門名八面威風
者釘壞次早報應舉、官斬施炮者五人挨擒奸細四面威威嚴五
月初五日未時軒率諸將用火攻、奪溶州礪花園柵應舉於
土城上督黃藍馬虎等援兵救禦至二更被軒所破初六日軒
將需山合浦通亘新渡斬下四旁浚渠與海潮通故應舉全黃

藍等欲逼戰破圍不能展其技勇而喇哈達啟聖屢欲進援無路可達滿漢騎步惟齊集于筆架山上連幕洪礁鰲浦北峙數十里相守而已

第七十三回

吳淑智踞燈火寨

應舉節全西城樓

初八日國軒傳集諸將會議曰敵兵屯于筆架山上山南有一小寨懸崖如掛燈俗名故謂之燈火寨下大溪順流可達海澄若不守踞恐為彼所鎮即可援也但此咫尺敵師營壘誰敢

前去踞守諸將默然副總督吳淑奮然而應曰淑願提兵往踞
軒起謝曰當此冲要重險公肯親履吾何憂焉淑于是夜令軍
士每人携鉄鋤一枝啣枚進寨平明柵壘濠溝完備賴塔韓大
任曾養性江元勲等望見駭然初十日酉時塔令養性率連環
炮於山~~岳~~下絕力打放以為無遺類矣豈知淑令衆穴地藏身
無一傷者十一黎明韓大任等領騎步~~兵~~馬合擊奪寨淑率穴
中衆出柵禦戰大任等方訝其衆尚存戰未幾合即抽兵回淑
見大任退師亦不追赶仍收其衆入寨嚴守立差心腹李弘基
~~基~~飛報國軒曰終夜攻打炮聲不絕今旦黎明即督兵搶寨此

是虛張疑計恐其意不在燈火寨本督宜迅督飭各營堡防備
軒是之隨遣人轉傳各鎮營既而賴塔韓大任曾養性江元勳
等率滿漢騎兵數萬飛馳齊攻岳廟祖山頭軒將張鳳率衆接
戰十餘合鳳被大任所殺衆潰大任乘勢奪其營壘塔再進兵
林彪接戰亦敗并棄寨柵大任等復合塔師齊攻林陞營盤陞
不出戰據營死拒國軒遙見連失二營林陞被圍親率驍勇飛
馬來戰未分勝負忽江勝領其衆繞道從中冲殺將賴塔韓大
任截為兩斷林陞方開柵合軒勝攻擊塔大失利傷損甚多自
是海澄不可救矣段應舉屢聞戰報欲提兵出救夾攻其柵溝

渠重、馬陷環埔而止。後聞然不見，外援城內乏糧，人心惶、
且國軒以是日之大勝，勢愈熾，而圍愈緊。二十一日，遣張應時
賫白米一斗，西衣二箇，生烟四色，酒一罈，入海澄，說應舉、與
黑林在西門樓見之。問應時曰：「欲何為？」應時曰：「奉主命，以將軍
之孤城重圍，援師屢敗，兵多糧少，豈能久守？況我藩主仁愛，凡
北將如馬信、郝文興等歸順者，悉推心置腹，而重用。故特來勸
降。毋自苦焉。」應舉笑曰：「爾覆汝主食，君祿守君土，分所宜然。是
頭可斷，是心不可易也。」收生烟四色，餘辭返。揮應時出，舉謂黑
林等曰：「此非饋遺，是來探糧餉之有無也。」守益堅。

評曰任尔儀秦再世難說巡遠真心不讓前賢往古獨占
盛世于今又曰

將軍此頭可斷赤心許國無移寧甘煮皮掘鼠豈肯剪辮
降旗

應時出覆曰提督惟有死而已並無降意國軒曰城內兵民糧
食如何應時曰在西樓上見提督未曾入城兵民不知但見左
右皆菜色軒曰滿漢兵馬許多諒食亦將盡矣即令應時持令
箭并諭單到各營傳諭不許透漏糧食暨一切蔬菜如有犯者
察出該管一体同罪加意提防而城愈困二十四日置海澄鎮

左營遊擊汪明請其鎮主文相公汪定公密議獻城定公佯許之歸語黃藍、即轉告應舉、收汪明併其弟辰子集斬首示衆與士卒同甘苦竭力守禦奈援師無期糧米已匱戰馬而羅雀掘鼠繼浸皮煮紙强者食弱餓殍遍戶六月初十日國軒率衆環城攻擊衆力不支軒排闥後菜巷而入計受圍八十三日提督段應舉知勢莫敵與副都統穆黑林謀自縊行至關帝廟前舉曰廟那裡去黑林曰帝君在上不便遂同上西門樓舉曰守此城死此城宜矣與黑林相向而縊希佛聞城陷發火自焚海澄總兵黃藍不知所之有傳其死亂軍者有傳其溺於水

者孟安馬虎魏赫田香五朱應麟賴陞楊壯猷馮有魁咸投降
惟知縣祝文郁稱病不出軒報捷并請示下

讚希佛曰

火坑聊借藏吾身

豈似朝秦暮楚人

於今令名垂不朽

綱常萬古可維新

經得捷報立令戶官楊英載米入海澄煮粥賑飢惟孟安馬虎
田香五魏赫朱應麟等降授銜給劄并配眷口其騎兵將士二
千餘人載過臺灣分配屯田併飭知縣祝文郁照舊供賤郁賂
軒左右暨醫者報病甚病方准在家調養尋而從官船逃回國

軒入城安民尋應舉黑林死于西門樓着人解下面不改容軒
嗟嘆異之脩棺厚殮并希佛骸骨設位猪羊儀礼祭奠差人護
送應舉靈輅至漳州交喇哈達姚啓聖、與達重賞其使遣之
歸啟聖見海澄已破會哈達將筆架山兵馬抽回保守漳州十
六日經令鑾儀陳慶抵海澄監斬賴陞楊壯猷馮有魁三人示
衆陞與壯猷係海澄公標魁原漳浦中營今雖為提標左營甲寅
從海曾為木武鎮陞于丙辰年曾從海為後沖鎮經以此輩反覆故殺之黃芳世得病死啟
聖收其印勅親王以海澄公原是鄭經仇人今若承襲不可令
其駐漳 題請移駐汀州後奉

旨依議即以黃芳世襲海澄公爵削去五標移其家於汀州府

住居

第七十四回

劉國軒分軍圍泉

喇哈達提師繞道

六月吳淑以海澄既得勸國軒曰宜乘破竹之勢迎刃而下漳
州軒曰漳城滿漢騎步計有數萬況城又堅固未可忽圍當先
剪其手足則腹心自潰也淑曰漳城衆雖多然其氣已奪胆已怯
急攻之摧枯拉朽耳議未定六月十三日偵者報浙江援兵
已到同安縣軒遂與吳淑分其衆十五日軒率何祐等勁旅往

同安迎敵淑領一軍入攻長泰親王以海澄之圍未解星馳調
浙江副都統雅長里提師入閩救援長里至同安接總督之筆
帖式剛舒報海澄已陷方駐師俄而飛報賊兵大隊即至長里
令守將馮昭京知縣齊宗孔縣丞錢鉅典史金榮以同安四
面受敵不可守十八夜咸遁入泉州軒入同安安民飛調水陸
齊進合攻泉州水師五鎮林日慧接國軒諭即整舟師從泉州
港入泊御殿頭提標中營馬勝聞報督一旅出南門又分一旅
出塗門互相攻擊不分勝負日暮日慧收其衆退灣鵬頭馬
勝亦歛兵入城二十一日國軒大隊至石頭街留石頭屯劄二

十二早攻南門橋將軍楊鳳翔令同安副將馮昭京督衆禦之
至未刻方退二十三日軒分兵屯桃花山連營東嶽廟直至清
源山二十六日攻奪洛陽橋於是泉州震動親王接劄舒失海
澄之報繼聞雅長里退師泉州隨飛調浙江提督石調金全副
都統吉爾他布帶兵入閩業于二十四日至惠安二十五日报
洛陽橋為賊所扼不敢前二十八日軒令王一繼駕船從塗嶺
截斷興化援師又令江勝攻南安守南安把總張應虎同知縣
宋煜率兵民守禦勝虛攻東北密遣驍將整旅從西南角倚梯
喊殺緣城應虎與煜巷戰力竭被殺南陷

安煜遼東人

七月初二日

軒令何祐督黃球林萬侯高奎方祈陳晏江鎮鄭士弘等分寇永春知縣王寶善典史焦文寶聞賊兵雲集不敢守同千總李德棄城走仙遊德化知縣王之紀安溪縣李鈺同千總黃國棟咸棄城去調聲與吉爾他布於是日午刻接報賊屯盤龍舖而楓亭一帶悉係賊艘殺隨傳知縣胡雲龍速收拾庫藏行雲龍曰安可棄城罪在不赦殺曰此城孤低決不可守如問罪本軍門與都統擔當龍方隨大隊于二更退守興化國軒日夜遣將攻打城壞百餘丈屢欲緣城悉被火礮火桶矢石所擊死填溝渠乃退啟聖初聞十四入長泰縣被土人戴蘇猷城降于吳淑

繼聞二十八夜漳平知縣高聯登奔龍岩縣城陷而寧洋亦被
圍虞其進攻漳郡加意提防後聞軒提師往同安復統水陸攻
泉州乃喜曰賊計絀矣以漳之兵多而泉之兵少故也舍近圖
遠棄瑕攻堅豈能勝乎迨至永春德化安溪南安諸邑俱陷啟
聖愈喜曰徐當計破之哈達問曰賊勢益盛公喜愈甚且言破
之易何也願請其說啟聖曰賊兵不過三萬慮其聚而勢雄今
既得諸邑必當分衆把守衆分則勢弱勢弱則破之易也此兵
法所謂兵多貴分兵少貴合者哈達服其論劉國軒所得泉屬
諸邑分其衆鎮守勢稍弱遂啟鄭經調鄉勇充伍并移鄉勇之

眷口過臺灣安插庶無逃脫流弊緩急可用亦存寓兵于農之意經允其請一時安土重迁百姓怨望况泉州被圍日久水陸齎集公帑不足軍需缺乏因而重科民間因軒吳淑同啟時弊略曰

爲請定画一之規以救生民以甦民困事軒等遵奉進取就地酌宜措餉凡大師所至則此地即有供應大師之費豈宜重為催科今府縣之外設有督糧督糧之外設有司餉司餉之外設有宣慰內差而又加之以衛鎮義將衛者侍衛武衛等鎮者各鎮等義將者凡招募之兵彈丸之地有限之民正供之外又有以應之故謂之義將也

大餉大米雜餉月米櫓漿棕蔴油鉄釘灰鵝毛草木等項
最可慘者又加之以水消毛丁鄉勇民力已竭科歛無度
伏乞速爲裁罷以甦民困 上陳

其宣慰使鄭省英亦以民夫煩苦營盤重難上啟泉州知府陳
廷章亦以百姓困苦已極條陳時弊一曰西一政令二曰得藉
鄉兵三曰禁飭招募四曰請改餉司經雖發六官察議然終不
能行以經以國軒吳淑等屢用命有功彙叙勲次略曰

春仲用兵進取二月十一日克玉洲三叉河福潯十八日

奪斷江東而三捷二十四日入踞石碼三月初二日大勝

赤嶺十一日計賺水頭山十八日追逐祖山頭四月十六日進渡南閘擊退援騎五月初五日取普賢木柵十二日扼守祖山而截筆架大隊援兵六月初十日破海澄縣或戮力行間鏖戰著績或守要禦扼凜遵帥命水陸諸鎮咸有功次皆正副總督調度有方全以少擊衆恢復海澄使其兵將無一遺者厥功尤懋其以中提督劉國軒表請晉封為平北將軍武平伯後提督吳淑表請晉封為平鹵將軍平鹵伯左虎衛何祐為左武衛前虎衛林陞為右武衛左先鋒江勝為左虎衛共授左都督仍統兵進取特諭

其餘諸鎮將各加陞有差但泉州被圍兩月固軒雖百計攻打而楊鳳翔雅長里馬勝與興泉道王育賢知府張仲舉等文武協心率兵民堅壘扞禦以待救洪魏賡臘九密書請兵興祚隨題

請自資募兵親抵興化府救援親王又調江南楊提福寧總兵黃大來與參贊大臣副都統禪布等滿漢騎步於二十日起程二十六日咸至興化

七十五回

劉國軒大敗溪西

姚啟聖應敵江東

八月初二日黃元出使吳三桂回賚三桂偽稱帝函有今春遠
近文武官吏軍民擁戴勦進至于再三乃勉從所請于二月二
日已正位號方擬遣使相聞用布心腹而貴使黃元賚函適至
接覽之際寔喜且快殿下英年壯士伏挾大義嘗胆卧薪天人
共鑒之句經笑曰老而反愚妄僭尊大英雄失望恐不能久也
喇哈達以泉州受困已久危若累卵謂英聖曰乘此秋涼提師
從間道出奇兵破賊解圍公當保此城啟聖曰公欲從何道進

兵達曰大路賊營連環週密急難冲突吾欲從漳平山道私過
永春安溪地方以覷方便聖曰公有大勝算須謹防伏兵初六
日達領大隊從天保而進十三日次漳平賊將黃瑞鑣即獻城
達大喜用為前導至安溪翰林李光地

字原庵廣成進士甲寅耿藩反闔光地居山
與叔日煜練鄉勇扼險不從遂歷官拜相

其叔日煜

湖廣總兵

練鄉勇自衛出迎合商援泉吳興祚在興化

見大兵咸至自率一旅同驛傳道王國泰隨征總兵李懋珠余
明傑副將武灝柯俊羅萬里等從仙遊白鶴嶺出永春黃大來
率一旅從仙遊廣橋何市出南安禪布楊提石調聲吉爾他布
等滿漢騎步由楓亭大路進兵惠安興祚又啟摺會水師總兵

林賢黃錫何應元聯絡陳子威陳君翌等戰艦由海壇水陸合攻
按林賢字尊一泉之晉江人水務諳熟屢有戰功以援剿
左鎮平金廈各島授海壇總兵黃錫晉江人以軍功授
銅山總兵何應元福州閩縣人以軍功授北口總兵
陳子威福州閩縣人以平海軍功歷任廣南韶道莊涼道
又改調鄖襄道

十八日劉國軒接偵報各路進兵繼而報何祐黃良驥王一鵬
等戰北棄永春德化安溪諸邑即欲分師而兵勢單薄遂傳令
於二十三日撤圍合吳淑師二十五日禪布石調聲吉甬他布

楊捷等大隊至洛陽見有賊船扼斷橋守橋之北調聲令中營
叅將王英等從陳三垞渡河與賊戰賊將陳陞揮衆死禦英連
砍數十人陞方遁追殺六百餘級溺水者不計其數方得渡橋
會師泉州其守定海樓船中鎮蕭琛探知林賢戰船將出閩安
鎮大會諸將計議禦敵之策欲將所有戰船盡扼上流上風牽
制之章元勛曰藩主令我等禦敵今反散居上流若林賢船隻
一朝順風直下廈門震動是誰之咎且兵法有云先發制人後
發制於人今乘彼尚未出港勛願領大隊前去泊港口迎敵琛
曰未可與戰彼會水陸欲解泉州圍勢甚雄壯當避之俟其出

港船隻飄颺然後從上風冲下一鼓可收全績元勛雖從衆議
終以蕭琛怯敵而計左回船密將其所轄船隻整頓乘五鼓潮
起揚帆直從閩安港進發將至港口忽然轉風勛掀髯自如曰
蕭琛無能此風是天助吾成功也林賢知港口有敵船分為三
鯨乘潮落冲出元勛揮船與戰全軍覆沒蕭琛聞元勛不遵議
出船嘆曰監子恃勇以誤乃公即整船往援已無及矣退泊海
山報經以元勛不遵約束擅自出兵錫範議琛坐視不救故
致喪師啟經召琛回厦斬之令援剿左鎮陳諒援剿後鎮陳啟
隆朱天貴蕭武吳兆綱郭有光等守海山禦敵國軒以滿漢騎

步三路齊出方撤泉州之圍次日至同安縣令軍士墜其城垣
仍劄營果堂歐溪江東橋郭坑及長泰地方扼漳泉往來喇哈
達吳興祚楊捷師會泉州撫綏殘黎飭造同安縣城二十二日
鄭經接偵報吳三桂死于衡州諸將立其孫嗣位改元為洪化
經向錫範繩武嘆曰老宿若死權臣悻悻定不相服稚子安能
成事九月報啟聖發兵攻長泰令吳淑督何祐江勝等十一鎮
屯浦南國軒督林陞林應吳潛陳昌黃良驥等十七鎮列陣溪
西直逼至漳之北門外渴馬飲泉咫尺交鋒自辰至未刻我師稍
怯軒等搖旗揚威耿精忠揮江元勳督連環炮全金鎗手從中

攻擊又分騎兵左右出啟聖率其中營副將王英其從漳平路來漳浦中營

建協遊擊監理字義甫漳之漳浦人后平澎臺功官宣府總兵歷舟山天津陞福建陸路提督全龍山營守脩韓進

忠貫口營守脩黃富等夾攻箭如雨下軒四面受敵陣亂潰奔

至雲英渡無舟可渡溺水死者萬餘人旗幟盈甲布幔鎗重棄

滿山野耿精忠等追至吾浦啟聖立海防吳延貴造浮橋克復

長泰乘勝奪江東橋撥詹六奇劄橋之西山六奇漳浦人以平臺功

督標前營把總林朝後營把總李近帶兵劄標之西山近漳浦人

功管浙江黃岩總兵隨造橋以通漳泉往來又列營于萬松關頂國軒于是日

奔回石碼收拾衆軍仍扼扼三叉河玉州鎮門象鼻獅口石尾

一帶與韓大任賴塔江元勳楊提曾養性營壘相對不時以大砲互相攻擊啟聖又以江東重要全王英蔣懋勳互相換守

第七十六回

啟聖開設修來館

國軒預守果堂寨

茅處

啟聖以漳泉諸屬邑俱下獨海澄一縣及石碼鎮門國軒深溝固壘首尾連環难于猝攻乃與賴塔吳興祚楊提商議遣漳之進士張雄賁公書出廈門招撫書曰

昔令先王當國家開創之初蓬蒿未盡攘臂奮呼震動天

南然終識順逆之勢亦嘗慕義嚮風祇緣群識搖奪終不
忍父老嗟怨靜處臺灣今貴藩能體會先志念井里瘡痍
翻然解甲釋兵縱數千萬子弟尽返耕漁之樂身享茅土
之封歲時祭器陳於宗廟天和人順永垂世豈非千百
年鞏固之業哉客歲使往宣朝廷德意已悲貴藩仁
明獨不能詳達彼此表曲致數月以來徒苦士卒塗炭生
灵亦何益于貴藩哉在貴藩既不惜此方之民命則
國家亦安得不調兵集馬勞師動衆為耶亦思沿邊之島
與財用民力能與寰宇之生衆大較短長哉即從貴藩下遊

者恐今昔人心不同事勢難測誰無父母誰無坟墓與其
涉波濤爭尺寸曷若歸閭里受朝爵乎貴藩寧不顧慮及
此近得林達返郡傳述貴藩大有惻隱桑梓之心故修章
布悃惟望傾心畢論併遺蘧使偕臨漳府

經禮待雄而與錫範繩武等商議必以海澄為廈門之門戶不
肯讓返為執送歸復啟聖書曰

頃承明教惓惓以生民為念不佞軫念民瘼甚于麾下

正以生靈塗炭不忍坐視故修矛整甲相與周旋誠欲拯
民水火之中愈不得不爾耳夫晏安江沱外視民瘼古人

恥之以大不得已於其中者億萬生靈所共亮也天心厭
亂殺運終回苟可休息罔不如命客歲張卞二使來議不
佞曾以肝胆相告茲張書至前言俱在必能代布左右也
林達奔走末弁蹉跎逃去作何模糊無事深求禮應遣員
奉教但責使之纜未解而諸將之戈已揮彼此差池故未
奉命伏冀鑒原

啟聖覽畢笑曰真乃無識之夫不足較議夫退守疆地永享藩
臣豈不全美何執拘若是十月復遣泉紳黃志美賁公書再往
廈門勸諭招撫其書曰

捧復音知貴藩憐、以桑梓為念息兵安民寔出于惻隱
故~~不~~委婉承命在仁人君子剖肝露胆毋事繁文永締于好
經仍執前辭送志美歸其復書略曰

事欲圖其可以言當慎于厥初所述台意責人難行之事
非安民之寔心也惟裁其可行而再教之

啟聖以招撫不成查甲辰前例迁徙人民於內地仍築界牆守
望與親王吳興祚合疏題 請十二月奉

旨依議惟廣東平南親王尚之信力爭不必迁移粵東無恙

康熙十八年己未 永曆三十三年 正月福建上自福寧下至詔安

趕逐百姓重入內地或十里或二十里凡近水險要添設炮臺
星碁羅布稽查防範啟聖雖一時迂徙人民入內地終以海澄
未復為隱憂坐卧思維未得良策忽有投誠道黃性震上書平
海內有云鄭經不過一木偶皆由左右之緋線國軒雖然桀黠
全賴羽翼以縱橫總恃阻隔波濤故歷二世即有儀秦莫可鼓
其唇舌倘能高位厚祿買散人心不用干戈立可取其績效等
語條陳啟聖讀而奇之與表相合切中時弊隨以漳州衛改為
脩來館用黃性震董理專招海上文武兵民

性震字元超漳之漳浦人投誠功官湖南布政司

文武投誠即以原銜題請換劄一面保題現任兵民如果頭

髮全長者每人賞銀五十兩如頭髮短者每人賞銀二十兩愿
入伍者立撥在營給以戰餉願歸農者立送回籍飭府縣安插
不許豪強欺凌宿怨仇且有以先長髮投誠領賞者嫖賭已
完而逃出復以短髮投誠領賞且有一種屢以短髮投誠騙賞
給賞者識之白啟聖曰非誑爾銀他肯來就好若懲一人則
堅彼逃回之心也賞而不問以此投誠者絡繹相繼又以江東
橋為漳泉要道且逼近三义河而通北溪漳平寧洋等縣使無
專司恐防範不及為賊所踞遂

題設副將一員專鎮以詹六奇任之劉国軒自溪西敗績退守

觀音山扼把要處迨聞江東專設重兵謂吳淑曰姚啟聖足智
多謀今既添設重兵扼守江東是有意欲從北路進兵果堂逼
近湏為預防倘果堂有失則三叉河石尾等處非我們所有淑
曰公之料敵審而且詳詳自當留意軒曰不湏五日啟聖必從此
進兵隨密授方略與鎮將伏衆守候啟聖果以相對持何日得平
與賴塔韓大任到萬松關頂觀敵併巡視各處要口啟聖向塔
曰賊壘处处相連一時未可驟敵但觀果堂一寨逼近江東橋
寔為東邊要口若得此寨便可乘勢破石尾諸營塔曰公算極
當可馳諭與詹六奇令其駕八漿合攻併奪三叉河聖曰如此

水陸齊進可以破賊乃調集騎步聽令二月十一黎明塔與大
任率騎共攻果堂楊捷黃大來督步旅應之而國軒吳淑于初
十夜環伏其衆于濠底虛掩寨中旗幟塔等以其無備將次寨
邊寨上方發炮擂鼓旗幟森列四面伏起軒左出淑右出祐與
勝從中而出林陞陳昌二軍從旁冲出似欲去奪閔搶橋大任
大來雖分兵禦戰終難取勝又疑搶閔遂退傷失死者不勝計其
數詹六奇正督兵欲出三又河合攻忽聞隨征守備鄧茂公飛
馬從岍上急止之曰陸師已敗不可遠離恐賊東勢奪閔六奇
是之遂歛其軍守伏陳昌等遠望江東旗幟咸知有備不敢前

按茂公漳之詔安人武生佐六奇屢有機謀後從施琅平
澎臺官廣東香山副將

第三十九卷

七十七回

五虎門陳諒大戰

諸鎮將士愷投誠

鄭經接偵報水師林賢欲督諸船出隨委援剿左鎮陳諒為帥
督陳起明朱天貴等禦敵諒用心分布殫力提防二十九日見
南風大盛天色晴明諒令起明領大繒船一十五隻駛上南日

以作回援之師又令朱天貴領烏船一十五隻颶駛圍頭湄州
以作後援諒自率大隊煩船進五虎門快哨飛報林賢隨督戰
艦并子威聯絡哨船共百餘號一齊冲出互相攻擊烟焰蔽江
轟聲振天未分勝負徐而南風盛發陳諒乘風潮冲入艖左右
橫打賢船回身自相衝撞忽朱天貴順南而來發炮助威陳起
明亦從北逆颶亦至合打賢等失船十餘隻又被天貴併一隻
陳諒擲火礮燒一隻賢乘潮起仍收入港內陳起明見賢船盡
急于追趕不防礁淺觸舵而壞諒望見令快哨往救隨鳴金收
軍回泊海山報捷鄭經差鄭斌賫銀幣到海山犒賞加諒為北

路統領餘各陞擢有差時水陸浩繁地方窄狹糧餉不足經令
思明知州李景議派殷戶助餉有孀婦樊門辛氏捐銀三百兩
經加獎之其餘照上中下分派不等廈門因丁巳歲二月初十
日經在漳州奔出踉蹌不敢喘息即欲登舟東歸全島百姓遮
道留之曰昔先藩在日未有臺灣惟金廈各島尚與抗衡今藩
主何去之速而棄我民也經曰欲守兩島恐乏糧餉百姓齊應
曰藩主若肯住剗護衛百姓我們每户每月愿輸米一斗以佐
軍食因此經方得駐豈料日久百姓各尋勢蔭免按月徵米無
幾經令副臺儀陳慶挨門逐戶清查一概不許影藉名色蔭免

且于是日起每戶每月要徵米一斗百姓一時怨望道路側目
國軒見軍糈不加而又屢々加增遂自辭俸祿并請捐資月養
轄兵啟曰

軒謬荷俸祿固出中典興隆典第軍需繁費何敢再縻金錢
請辭月俸願竭微資自給轄兵三月稍寬百姓萬一

經允從之于是吳淑江勝何祐林陞等俱上啟循國軒例援剿
前施明良捐銀一千兩助餉水師五鎮蔡仲瑄分守惠安沿邊
以其老耄不能約束經令虛宿鎮王傑統其衆調仲瑄回厦仲
瑄駕小船入泉州投誠巡撫吳興祚用之各鎮營欲請餉給兵

又不敢欲捐資養兵又無力是以懷疑觀望折衝左鎮呂韜率衆投誠

韜原漳州城守營守備出守江東橋戰北陰通國軒事露啟聖叅掣解省審問軒偵知遣英義鎮林彪帶衆伏于同安界碑截搶歸海

木武鎮陳士愷挈眷入漳投誠牛宿鎮鄭奇烈同紀朝佐請入招募捐餉經許之亦率衆投誠啟聖俱委以隨征營將尋而題請陳士愷為延平副將鄭經亦以各鎮營分汎橫征百姓重困遂通行飭禁略曰

水陸營鎮分疆固圉就地借餉寔出權宜近察甬等暴索橫征苦累生靈或藉抗餉焚掠無遺殊可痛恨相應嚴飭務遵法紀以副勤恤至意敢有仍前害民定以軍法從事毋違

又仍設監紀一員上自浙江舟山下至廣東達濠監察核査各鎮營地方大小措餉辦船按季造報不許重為科歛

第七十回

永華請元子監國

國軒啟潯尾築城

鄭經自甲寅年接耿精忠書統兵西渡將臺灣地方委總副使
陳永華留守華胸藏韜畧法嚴約束夜門不閉百姓樂業後見
經諸弟微有恃勇佔奪民田華雖屢遏止似艱于破面執法遂
以元子年登十六聰明特達宜循君行則守之典請元子克塽
監國經允其請四月初六日遣礼官鄭斌賁諭抵臺灣全陳永
華立克塽監國塽永華婿每事悉受華教明敏果斷諸叔不敢
橫為百姓喜有天日初十日啟聖以沿邊地方濟々皆由臺堡
疏防議欲設炮臺離泉州六十里有東石地方者刻日興工名
曰靈水百姓虞其界禁悉出東石販鹽藏貯一時鹽價驟貴至

一兩二三之間十八日屯田遣使鄭時英在東石徵餉見鹽價高

貴隨啟請兼理鹽政經久之仍設餉司二員催督官買漏私者

罪斬又檄催林陞遣其轄下右協副將楊忠往南北鹽埕掘鹽
將行陞戒之曰鹽埕逼近竿頭寨乘潮而楸乘潮而出方保無

虞若停住其間恐生意外悔之無及廿二日忠至不遵陞諭船

泊深滬督掘二日竿頭寨飛報泉州提標中營叅將馬勝即督

騎步千人星夜往剿平明而至四面攻擊忠奮戰身中數箭且

戰且退衛其衆欲登舟遁奈馬勝逼緊忠計難脫投海而死諸

賊盡沒陞聞之嘆曰惜健將不聽吾言宜于死也報經亦憐

惜之遂寢掘鹽事調二餉司回責省英多事五月啟聖督造堡
臺嚴禁接濟除國軒所扼之處無可奈何其餘地方加倍防範
國軒亦以石碼固壘啟聖必限于進兵但同安潯尾與廈門高
崎咫尺帶水且前歲廈門癸卯之役李率泰提師亦由此入島
宜築臺寨重兵預防此寔未雨綢繆之計勿使臨時慌張啟請
經從之令李景抽民併討取磚石鍬鋤等項馳諭國軒到彼處
擇築國軒將石碼營盤交吳淑巡督軒坐快哨至廈門見經帶
陳昌黃良驥二旅往築潯尾寨同安守將知潯尾欲築寨率騎
步千人前來攻擊軒已分布埋伏騎兵一到四面齊起殺傷甚

多遂退軒亦收軍齊造石城一座土城一座命將把守又巡至
汀州再築一座時有泉州同安人江機綽號梟子與楊一豹同
糾衆歸耿精忠授機左軍都督出寇江西迨精忠歸正机即
率其所部招集餘黨將萬人寇害浙閩江右交界之所康親王
及二省督撫屢遣官招之机不從密令其中軍楊麟伏行至厦
門納款于經、兄其降授机為征彝將軍机率衆欲下海途由
建寧副將劉起龍督兵截殺不期机先分其半欲去打城龍恐
城有失隨領全師回至援机見龍袖回乘勢掩殺起龍兵大亂
身中流矢無心戀戰回至城中是夜身亡飛報親王啟聖、馳

令各處隘口重兵把截一面差官再招之机見山路遙遠而各處守禦又緊計絀遂率衆投誠

第四十卷

七十九回

蘇鑛申約說鄭經

正色奉命領水師

康親王見國軒布置週密一時不能即平中書蘇鑛以邊海殘黎受困已久欲申前議招撫息兵安民啟請親王許之鑛遂使人致書於鄭經曰

謀發盈廷事歸獨斷既感貴執事之萬鈞更欲得踐季布之一諾也惟誠惟決伏候確示

經得書與錫範繩武共議蘇中書欲申前約和議以安邊黎誠盛舉也復札曰

誠決兩言予寔嘉納惟以此致意貴親王若降心相從何猶豫之有

鑛閱其語言有可為之機將回書繳呈親王并請欲遣其胞侄珵往廈門以申前約親王兄請珵從泉州之安海出廈門見經經集六官珵致親王之命若貴藩以廬墓桑梓黎民塗炭為念

果能釋甲東歸照依朝鮮事例代為題請永為世好作藩重臣
經曰當先王在日亦只差薙髮二字今既親王能照朝鮮例不
薙髮即當相從息兵安民也錫範曰海澄寔為廈門之戶決不
可棄今既承親王命將海澄為往來公所瑄曰欲照朝鮮事例
貴藩當退守臺灣允海岳歸之

朝廷以澎湖為界通商貿易海澄乃版圖之內豈可以為公所
此不但親王不敢題請即瑄不敢代為轉咨也錫範曰息兵安
民各安地方豈有棄現成土地之理乎當照先王所請年納東
西兩洋餉六萬兩瑄曰既如此又非瑄之所得自擅必當再請

于親王看如何施行湏得一人同往福省報命苟有成說亦免
于僕々往返也經是其言令酌一人為使陳繩武舉賓客司傳

為霖有才幹堪為使者

為霖乃洋商傳泰字之子前投誠任松江府通判有机智巧佞武甚重之為賓客司

經令為霖同

蘇珪從安海登岸由泉州入省先面蘇鎮々將經書上親王有

曰此蘇中書兩啟欲息兵安民故奪一介面商今特遣賓客司

傳為霖馳報仰候明旨親王待為霖礼甚隆議及往來事宜并

海澄作公所為霖曰若干歲永鎮閩邦則藩王并行來往倘千

歲奉命回

京各設官往來親王以地方重務責任在總督未

可輕為定議令為霖順途抵漳見啟聖々以寸土屬王誰敢將

版圖封疆輕議作公所此前院之所謂無此庙算

前院即劉清泰

遂阻其

議但見為霖應對敏捷加礼相待且惜其才而不為世用執手
戀、饋贈甚隆為霖感激亦恨其不能執鞭隨鐙也為霖回厦
復命兩寢其議啟聖以平海非老宿諳練水務者不可今黃芳
世已死水師提督缺空懸苟非其人而任之又難以奏虜功因
查歷任志切平海者惟施琅在京為内大臣當此任者非琅不
可遂具疏題請保琅為福建水師提督平海奉
旨調鎮江將軍伯王之昂為福建水師提督以其曾任漳浦總
兵諳熟閩事之昂接報不敢違

吉星馳入閩到任後屢疏題請乞休以未經水戰海島不熟恐
悞封疆有負 朝廷至意請調慣熟能員奉

旨改調之昂四川提督擢湖廣總兵萬正色為福建水師提督
按正色字仲菴泉之晉江人能使大刀海上投誠姓黃移
駐山東甲寅之變歷著戰功任陝西興安鎮左營遊擊征
朝天關破賊千餘夥因于盤龍山屢刼其營正色奮勇禦
之共二十七日後窺賊稍倦正色持大刀首先冲殺手刀
十餘猛衆咸以一當百破圍而出敵人聞其名咸稱黃大
刀官山西平魯衛叅將方復姓萬正色接報遂出謝表并

題

請隨帶左部千總署中營守備陳儒等將士共五百員入閩奉
旨依議

按儒字孝若號雅菴泉之安溪人亦海上投誠有膽略從
正色征戰數十陣當盤龍山之困儒亦在焉與正色首尾
禦賊迨擬冲圍又令儒殿後在岳州曾獨架八槳船擊吳
三桂巨鯨殺賊焚舟仍出無恙賊遂相戒云當避陳長子
因其僕長大故名之後隨正色入閩平海壇金廈等處至
提督施琅方用儒中營守備配坐大鳥船克澎湖撫臺灣

後始姓林歷貴州安籠總兵

七月啓聖以原漳南道陳啟泰子汝器奉

旨來漳檄運靈樞途次泉州東石地方被劫解廈門屢遣說國
軒放汝器歸軒諉托之王命業送之臺灣不敢擅請挨延日久
而部文催汝器回京疊至啓聖計絀集文武官捐銀一萬兩贖
汝器軒許之啓經留汝器無益經方馳令到臺灣放汝器回八
月啓聖見海賊猖獗終年對壘似非良策一面密咨楊捷暨沿
邊鎮將善覲方便疾速進剿一面差楊榮出說國軒曰當三藩
並倡爾主有七府甲兵縱橫之盛烏龍江一旦塗地今何必力

爭此片土戕害人民使豪傑寒心不如勸爾主全師退保臺灣
海外自鎮為上策苟以區區為得計恐一旦師旅雲集樓船合
攻斯時欲求自容必不可得豈不令天下後世羞國軒不聽

第八十回

楊捷攻破東石寨

吳淑勇據坂尾柵

九月鄭經以各鎮營分為南北水汛者或應漳泉守禦者乏兵
扼把要口虞有不測調練廈門鄉勇自衛得有二千人以總監
營康熊全原協理五軍都督吳桂分督操練但前癸外歲亦藉

鄉兵不久而敗茲習故轍時有識者知其將亡也已而果驗東石寨者乃林陞地方國軒調陞攻海澄委其健將楊忠鎮禦

按楊忠泉之惠安人猛勇勤謹迨啟聖置靈水寨忠恐啟聖乘勢來攻啟請添兵經仍令林陞回軍及楊忠掘鹽死于深滬陞又奉督兵石碼委其步將施廷陳申二人守之因申醉后鞭其健卒楊虎李萬金乘夜逃入泉州投誠密稟提督楊提東石悉係老弱寨內空虚願為道立功

捷方知始末即調騎步千餘人二十六早至東石四面環攻填平溝濠自辰至未施廷陳申分頭率衆力敵廷被鎗申為流矢

所中俱死全軍盡沒捷得其寨隨擇地調民夫再築三寨分兵
鎮守外汎殘卒奔報林陞々欲返師來援俄而報寨已破矣陞
乃停其軍報經々令各處提防恐楊捷繼至十月初二日馬虎
李時春交結搖舫仔楊阿德乘潮漲二人私從星嶼登岸原提
標左營遊擊郭承隆於破海澄時降經々又遣人密入泉州揪
其妻子出厦授承隆為監督因魏赫謀逆被獲經徙海澄降將
於臺灣僅留馬虎孟安等迨李時春又逃承隆恐累及于已亦
棄其妻子入漳投誠啟聖用之劉國軒得東石寨已破之報會
其吳淑何祐等商議曰東石之破是敵人窺侵之漸但果堂寔

係扼要重地一寨勢孤萬一姚啟聖統兵聚集來攻救應弗及則各處搖動當於果堂後坂尾地方再築一寨諸君以為何如淑曰坂尾築寨則果堂有靠公之度勢料敵真出萬全若欲興工必須提防啟聖必率兵來爭軒曰煩公率衆督築弟按兵以待淑曰謹遵令即與江勝領所部衆悉帶鋤鋤初六日至坂尾開基址搬運磚石築寨初九早工程將半耿精忠喇哈達姚啟聖江元勳曾養性等率滿漢騎步兵萬人冲穴互爭鋒銳極熾吳淑江勝將所部衆分首尾鏖戰自午至申互擊相持國軒何祐林陞林應見其鋒銳稍息方從旁出攻軒又戒令勿追惟依

寨拒之耿精忠揮金鎗手齊攻軒令各鎮火攻營鹿銳對打何
祐又遶道率一旅橫冲合林陞共擊忽章京石兒被炮傷死達
見勢難爭遂引師返而日已西國軒亦鳴金收軍撥衆伏路然
後就營安歇初十日國軒又分布以待兼又督造寨城吳淑毅
然領守軒率何祐等仍回觀音山啟聖知守坂尾寨者吳淑也
密遣人說之許其代為題請赦其猷漳罪即官以銅山總兵
淑曰極感制臺厚愛但大丈夫遺臭一時豈可再為萬世罵名
謝絕之啟聖知淑志堅非名利可動惟遣將不時攻打炮火如
星淑指揮接禦無失又逼寨數次親臨禦戰身中兩矢令醫調

治晏然自若會雨傾盆連日淋漓其寨新創苟就墻垣不牢隨處散崩塌淑令軍士盡出帳房避之自獨不移十一月初八夜三更墻倒壓下淑與左右死者七人其部將按兵移喪飛報鄭經因軒、星抵寨列陣伏防抱屍號哭三軍墜淚遂厚殮殯連回廈門令江勝收修築把守經聞報慟傷減食迨淑柩到親出海邊接之撫棺痛哭曰天何奪吾輔之速也情甚哀祭葬之以其子天為建威右鎮統其衆

田單之拒強燕與吳淑之守坂尾可謂並肩無二奈天不祚明使其早逝則軒之無輔佐不能恢復可知惜夫

第四十一卷

八十一回

啟聖遣使請荷蘭

國軒單騎衛鄭經

鄭經以武將不但辭俸而且捐資養兵何文臣無一幕義樂輸
協理札官楊賢先投啟欲捐資助餉陳繩武聞而惡之從中說
經曰各鎮有地方之派未派餉繼派什戶啟請自養其兵是有
所出也文官束手辦公勤勞從事雖奉差有限焉有餘資捐助
經懦而無斷遂寢其議啟聖屢分兵攻擊國軒設伏百計禦之
相持兩載而海澄終不得平因查癸卯歲前院李率泰攻破厦

門寔有荷蘭為前導與吳興祚謀合疏題請欲照前年事例

用荷蘭為先鋒攻克兩岳然後合攻臺灣還荷蘭奉

旨依議啟聖加隨征知府劉仔道銜仔道官同通事黃鏞林奇

逢配健卒百名護送勅書前往荷蘭國封王并說出夾板前來

會師合擊各岳然後再攻臺灣還之王雖拜命詔書而以前

歲失約為辭劉仔與黃鏞轉請曰當日之克兩岳未曾合攻臺

灣者是揆一王自投請行故前部院未敢擔當請

旨迨至奉

旨欲共出師而揆一王諸船已失于普陀港矣致我師獨往而

未成功豈有部許而不行乎今係部院題請 奉

旨專差前來欲與貴國合兵克平諸島攻返臺灣又非昔日可比國王以揆一王已死乏人統兵堅執不出夾板惟厚待劉仔等送之歸啟聖見荷蘭不允請會喇哈達賴塔吳興祚商議就福州造大戰船四百隻又往浙江調戰船一百隻再令江東副將詹六奇到潮州造船艚一百隻兼工督成俟萬正色抵任大舉舟師水陸合攻但陳繩武雖說鄭經文官無力捐資而寢其事然于心不安隨轉囑協理戶官楊啟英請生財之道以資軍糈均養鄉兵殷戶助餉并月米毛丁以及渡載猪牙酒稅鉄炭

油灰諸類雖孤寡亦不免又令思明知府李景附會其說倍加
派輸百姓怨聲載道欲逃無門國軒見經每事昏憤政出左右
近又惑於元宿鎮施明良終日酣飲達旦令人密窺所行即刻
報知明良即施鳳也良業與啟聖交通許以公爵欲搯經而獻諸魯故曲

意奉媚繩武婉諂錫範二人咸喜之屢荐其才是以日見親幸
不離左右明良又荐傳為霖胸藏經略有國士風豈但堪為使
者不辱君命而已並王世澤為羽翼世澤曾為女宿鎮施琅長
子也因風傳施琅仍出為水師提督故解兵以避嫌疑丁巳七
府俱敗世澤投誠從段應舉隨征舉受困海澄城破世澤復歸

經之仍授為監提督與明良合密款于啟聖、以其能共擒鄭經而獻全島自當保奏封為公侯故明良世澤媚奉殷勤不但鄭經墜其術中即範武亦不自覺也獨國軒時刻防之

康熙十九年庚申

永曆三十四年

正月初十日國軒坐快哨到廈門

見經脩陳宿將已沒禦敵乏人時事可虞兵力單薄藩主當卧薪嘗胆而用全副精神豈可荒嬉以一切政事徒委他人況施明良利嘴劍腹宜遠之不可親幸經曰明良不過一人而已政事之暇聊佐談論餘無所預且明良之忠肝義胆種、可愛君何不相容至此軒曰自古以來大奸似忠軒何不容恐悞藩主

大事耳經曰我自有主裁君留心軍旅廈門之事勿多慮焉軒
辭經仍回觀音山明良知國軒疑已遂令心腹將士備八槳在
所鎮之地方高崎欲賺經巡視海口擒獲渡海十三日經偶出
明良從行乘鳥馱甚是雄壯經戲之曰鳥馱肉味甚甘明良歸
立將馱宰烹進上經大悅留明良共飲：間報說總督欲起民
夫填平潯尾港進兵明良曰潯尾港水退雖狹恐流難鎮藩主
明早親到彼地廵勘便知端的經許之明良次早携樽酒并所
製馱脯請經行經起盥櫛畢不通知諸將即全明良去國軒隨
潮出欲入見經左右覆以藩主全元宿鎮去巡海國軒駭然曰

傳者何詐如是隨披貼身甲持大刀從者二十猛飛馳追之明
良喜經墜其術中沿途指揮某處險該設備某處最險該設炮臺
徐徐而行將至高崎喜經係籠中物也忽見一騎飛馳而來英
氣凜凜近視之乃劉國軒也明良失色軒曰巡視邊土非藩主
所可輕身宜速回駕會議要事經令軒轉轡而行明良頓失所
望無奈亦尾其後歸

蜀之安樂公惑於黃皓雖有姜維之忠心亦難於制禦國
軒力守兩嶽不絕如縷經當卧戈懸胆以圖中興何至此
昏憤但明季當斬天數已定何待言乎

第八十二回

施明良泊風遭殺

萬正色設禦破敵

時國軒衛經回却不明言會議完即回棹細忖藩主深墜明良術中非口舌所能爭必當捉其真情方可遂置心腹于廈門各要口盤詰又密令偵者入內地打聽倘有風聲立刻飛報以便剪除明良被國軒識破迨經回心亦惶然即上啓辭退經召明良入慰之曰尔之肺腑本藩深知尔莫過慮安心供職良叩頭流血曰深蒙藩主眷顧格外知遇雖肝胆瀝地無以報其高深經撫良背曰尔莫過慮明良頓首而起愈加逢媚經愈親幸之

國軒得內地偵報施明良果暗通總督欲獻金帛軒即飛啟云
為內患不除國之安危未定事有明良密通賣國不但明

良一人黨羽甚多也

經接啟示繩武曰明良不過一人在吾左右而已何中提督之
忌刻若是繩武曰既然如此勢難兩全經曰不如暫令明良同
王世澤過臺灣以塞口舌繩武曰此乃藩主始終覆載之恩武
出傳經意即撥船載明良及世澤眷口過臺軒接報知經不拿
明良鞫問反縱之過臺隨坐快哨到廈面經傳為霖陡然見國
軒到疑底裡尽知恐累及已隨出首明良世澤通姚啟聖始末

情由軒曰不除此賊終為國患經以明良必去投誠差副鑾儀衛陳慶帶健將三十人坐八漿船追斬明良世澤全家慶得令追至大擔明良因風信不利泊大擔守者報陳慶船到明良嘆曰吾命休矣慶上船出藩主令立斬明良世澤并其子三首級以歸報經與國軒經亦為之嘆息國軒以明良之故順潮出入喜其內患已除啟經宥其同謀者重為整頓一番設立防禦乃坐快哨安心入觀音山啟聖聞明良等事露被誅嘆曰謀事在人成事在天也二月萬正色在福州催造船隻已完隨遣人至漳泉知會刺哈達賴塔姚啟聖楊捷諸將率大隊舟師出攻金

厦其陸師亦各為齊進相應劉國軒在觀音山必分兵出敵彼
若分兵則勢弱勢弱攻之必走則海澄可復也海澄復賊心自
虛則厦門亦必不敢守又對吳興祚曰第今督舟師占其上風
賊必退崇武公可率陸路諸將沿海各港駐劄施架炮火攻打
勿使賊船得以灣泊取水則彼自亂興祚許之鄭經接偵報水
師即日欲出福州港即馳諭與國軒調林陞江勝出厦門加陞
為水師總督江勝陳諒朱天貴蕭武等北上迎敵萬正色督
林賢黃錫陳龍黃嘉瑞等引戰暨陳子威聯絡哨到海壇港口
與林陞相遇各開大炮來往颶駕駛互相攻擊未分勝負忽朱

天貴冲艖而入左右橫攻打沉大船二隻我師少却林賢遙望
賊船勢相猖獗率其本標巨艦三隻轉從流上坐風冲下攻打
萬正色亦督諸船回頭相應合擊天貴等遁出外洋正色鳴金
收諸船入港林陞見正色悉收入港內全要要寄泊圍頭奈沿
邊海岸咸被吳興祚率陸路勁旅密布劄屯火炮守禦無處灣
泊隨即寄旋傳諸鎮會議陞曰今者沿海地方炮臺密布營盤
扼守舟師不得灣泊樵汲維艱意欲將全船且暫退守遼羅諸
公以為何如天貴曰退守遼羅萬不可今日之戰雖未破敵
然敵人之膽亦少遜却豈可反避而自搖動乎可將諸船進泊

海壇分一旅把守觀音灣再令一旅寄泊石排洋一派地方倘
水師出港可以互相牽制不但便於相援亦且可以攻擊然後
密令小哨窺其稍疎防之處取樵汲接應江勝陳諒咸以天貴
之論甚高宜從之若退遼羅恐廈門搖動則陸師危矣陸執已
為總督當聽其指揮遂不從衆議傳令全師退泊遼羅天貴辭
去仰天嘆曰藩主用此輩為帥大事去矣遂諭本部船隻為脩
二十三日林陞率全艚悉退遼羅灣泊

第四十二卷

八十三回

國軒連棄十九寨

啟聖全復諸海岳

國軒扼守觀音山馳令各營嚴謹把守如有敵人侵境立即飛報以便提師救應候水師信到日再作計較鄭經亦以啟聖水陸並進陸有國軒可當一面未知水師一路林陞如何調遣二十四早忽快哨報林陞全軍溜退俱泊遼羅維與錫範繩武等大驚繼而陞亦差人賁啟到報大勝萬正色於海壇地方茲因沿海營壘密布艱於採汲故暫退守遼羅等語經疑陞為戰北借言塞責以安人心廈門一時震動百姓惶惶且諸六官正慮

輸餉之苦遂各張大其事必是戰敗若是戰勝豈肯退守遼羅
乎當速為備勿使臨時愴惶經是之即遣馳諭入觀音山與劉
國軒有云思明將危海澄何用速當回師以達進止軒接諭氣
塞胸臆口不能言半晌方令人傳集諸鎮將藩諭通示仍商議
退兵之策各鎮曰謹聽本督之命軒曰既如此不得不回師尔
諸鎮各徐々而退勿得慌張各將領命而去獨陳昌一鎮守謝
村古浪嶼知廈門信危隨遣人密通啟聖々即會喇哈達統滿
漢騎步分道進兵國軒知啟聖分道齊出一時要退軍士風鶴
無心戀戰遂棄諸寨併海澄縣城乘夜出廈門見鄭經々出林

陸啟示國軒、頓足曰：右武戰勝，尚如此驚怖，倘若大敗，將奈何？諸君輔理贊函者，悉如是乎？錫范繩武語塞，無以對。惟曰：天意而已。二十五日，喇哈達賴塔姚啟聖、楊捷統漢騎步進攻，敗將康騰龍獻梧州。二十廿七兩日分道克陳州、玉州、灣腰、樹福河、下游三义河、石碼、观音山、展旗寨、灣頭、象鼻、虎頭山、果堂、太平寨、馬州、观音寨、水頭、獅子共一十九寨。併海澄縣城出示安民，禁止擄掠。鄭經於二十六日接報，康騰龍獻梧州，引姚啟聖各道師雲集海澄縣暨海滄地方。不日即會同水師合剿廈門。百姓震動，軒出示禁止，併兼紅旗巡緝。如有造言煽惑者，斬二

十七日巳刻全島人民驚沸携男挈女各自逃竄莫能遏禁經
見人心已變即令典寶劉陶奎儀陳慶將演武亭花園所有輜
重寶玩悉運過臺時陳昌業通啟聖偵知經愴惶登舟乘虛無
備遣健將楊一彪帶好漢三百名駕八槳五隻詐稱本鎮欲請藩令
抽兵全行斷後即欲擒經乘機獻功適建威中鎮黃良驥侍經遙見
所乘八槳其勢兇猛可疑急啟經曰陳昌請令用一快哨足矣
胡用八槳五隻中其有詐宜止之不可與之近船經發令開炮
鹿銃齊攻沉二隻於海三隻飛駕而去昌知計不成遂率衆投
誠而諸六官洪磊楊英謝賢等已揚帆出大擔門隨經東向錫

範繩武會國軒何祐懇其引軍為望愴惶切平繫眷口避嬖倖玩好輜
重登舟其百姓無船可渡者遍滿海濱號哭之聲與潮湃相和
焉甚至慘遭擄掠情亟赴水者難以枚舉協理五軍都督吳桂
同武信鎮黃瑞二人見百姓狼狽難堪按其所部分頭轉傳諭
爾等百姓勿得驚慌各自回家靜候本鎮自當差人渡臺飛請
將軍部院到廈門撫綏幸賴以安二十八日經到澎湖無顏即
歸令錫範繩武國軒等住娘媽宮監國克臧知其父回師澎湖
與留守東陵寧總制兼管勇衛事陳永華率諸文武士庶連啟接
踵請經回臺經方領錫範繩武國軒等全艚而回見其母董夫

人夫人責之曰七府連敗兩島亦喪皆由汝無權略果斷不能
任人以致左右竊權各竄其黨耳經無以對仍侍衛全旅守安
平鎮其餘諸將各歸其部卒屯田喇哈達姚啟聖咸集海澄飛
咨往泉州知會吳興祚萬正色當乘賊虛危速出師攻擊克復
諸島不可稽延致死灰復燃以為沿海生靈患忽黃瑞吳桂遣
人投誠脩陳鄭經國軒已遁臺灣請大師過廈門安撫百姓啟
聖立遣陳昌駕八槳先行接應即與喇哈達配師在船二十七
日分道出廈出示安民秋毫無犯百姓安堵啟聖又遣官分頭
駕船招撫餘黨但林陞自退遼羅諸將不服各有竊議迨接經

諭知國軒十九寨并海澄已去人心虛危廈門難守當令各鎮
修拾東歸俟再後舉陞秘之家傳其所轄部將於二十八日架
言自統本部船隻前往泉州港口巡哨遂遁澎湖吳興祚萬正
色二十九日接啟聖咨移三月初一日興祚統師陸路初二日
渡五通抵廈門萬正色全林賢陳龍黃鎬楊嘉瑞陳子威等出
港初二日到金門初三日到廈門會集

第八十四回

朱天貴計劫興隆

陳永華日接瘟使

朱天貴見林陞未回遣人偵探方知國軒已棄十九寨併海澄縣出廈門矣即整脩諸船觀望其江勝見陞去亦托出哨統其所部船師出觀遼羅外洋朱天貴接偵者來報經棄諸島國軒何祐等諸鎮咸回臺灣陳昌投誠業請將軍部院過廈門喜曰國軒若去餘者不足慮也又報泉州水師數百號連艚出港天貴即將船駕上北截劫東洋船任衆標掠沿海地方總統大隊舟師下銅山銅山守將左衝鎮馬興隆全昭儀鎮楊德和中衝鎮鄭添等初聞國軒棄十九寨出廈遂戒守望以虞不測繼報本藩東回即整脩船隻以待忽瞭望者報有巨艦數十隻悉係

我們的旗幟揚帆而來興隆即遣快哨前去偵問是何船隻一面金鼓陞旗嚴肅墜伍各起頭帆浮旋備數快哨至半洋問來者何船回曰本督下來探哨復問曰係劉本督應天貴着人應詭曰是哨撥轉櫓棹飛報曰係劉本督船也興隆以國軒亦從經去來何以此遂率諸鎮列船往接甫登船見之乃天貴也興隆等相顧失色天貴意諸將曰諸公以天貴有二心乎貴無二心茲因金厦失守藩主東歸弟正撤師至此欲會諸公觀其方便克復兩岳諸公若不信吾只有一子指水而與諸公誓興隆等遂信不疑焉俄而江勝率本部船亦到各相見叙前後時事悉入銅山

灣內灣泊天貴托言船大港路未諳恐犯礁淺將所有煩船尽
列一字拋旋於港口困諸船於內江勝夜忖天貴舉動可疑令
諸將士勿去甲預備火炮天微曙差人坐杉板至天貴船中請
令欲乘北潮往南灣達濠尋丘輝貴素與勝善又見其船數堅
牢甲士勇猛留之則勢敵而艰于下手不如賣個人情許之勝
得回報揚帆而去貴見勝船出港隨傳令諸鎮將到中軍船議
事即將馬興隆楊德擒下與隆大罵曰天貴匹夫負義叛賊吾
為厲鬼亦不恕汝天貴又令人擒其子至隆罵不絕口天貴大
怒溺興隆父子於海掠其家禁楊德等於船率衆劫諸船暨銅

山子女玉帛姚啟聖以銅山尚有勁旅鎮守又報朱天貴全師
亦往銅山征之費力不如遣人撫之為善知會喇哈達吳興祚
萬正色差李榮春吳應麟前往銅山招撫天貴大喜厚待應麟
等即遣林君寵全朱光祖入見啟聖願獻銅山一島全師投誠
啟聖謂君寵曰朱將軍若能如是本部院自當保題現任總
兵君寵回覆天貴即削髮請啟聖到銅山安撫百姓聖待天
貴禮倍加厚尋而授天貴浙江平洋總兵時以諸島既平議要
照前例就界築壁分兵守禦啟聖曰諸島由來悉係版圖魚鹽
田土年計國賦數十萬前者失策輕棄致鄭經乘甲寅之釁猖

獷橫行延蔓數載滋害生靈今既藉 朝廷威福一旦克復得
寸守寸豈可復議經棄以滋賊乎吳興祚亦曰當守不可棄
之賊不日復至矣會喇哈達楊捷萬正色合疏題 請展界諸
岳奉

旨依議自福寧至詔安盡許百姓復業以水師提督守廈門分
防沿海裁內地新添如江東諸營設海壇金門銅山各總兵一
員馮錫范全鄭經回臺見永華握重權諸事方正敢為且又屢
被受微譏心寔忌之姑為陽好陰與國軒謀軒教錫范解辭兵
權以誘之范喜策善一日會永華於公所范曰自愧扈駕西征

寸功俱無歸來仍居其位殊覺赧顏諸凡檢點明白即當啟辭
杜門優游以終餘年永華信以為寔然歸來即先上啟解辭兵
權經以示錫范、曰伏甫勤勞數載形神已瘁、今欲乞休靜養
情出於真宜俯從之但其所部將士可交武平伯為是經依錫
范議允永華告辭將所轄將士部旅交劉國軒、啟辭者再經
令至再三軒始統永華軍而錫范仍任侍衛如故華方悟為范
所賣悔無及也心中悵快永華退居無事偶尔倦坐中堂少頃
左右見華起揖讓進退禮儀甚恭似接客狀賓主語言唯、應
諾徐而睡去迨覺即喚左右將內署撤徙讓客居左右問其故

永華曰瘟使者欲借此屋吾業許之左右曰瘟使者欲何為華
曰到此延諸當事者左右曰誰華曰刑官柯平戶官楊英等餘
尚有不可言者嗟吁而已數日永華死繼而柯平楊英等亦死
悉如華言

閩頌云時有漁人於海底得篆磚文曰生女滅鷄十億相
倚庚小熙皞太平八紀益指姚滅鄭於康熙時也 或曰
福州陳潤所造







